

華嚴懸談會玄記卷第二

鉅二

蒼山再光寺比丘

普瑞集

○疏徃復無際等者迴向品說迴向衆生即徃復無際也迴向實際即動靜一源也迴向菩提即含衆妙而有餘也彼疏中廣以十門

第二

三義配三迴向今畧引彼配釋此文一依三法初句眷屬般若次句實相般若三句觀照般若既是即寂之照何德不具而照功無涯故云有餘次句融拂末向結屬下皆准此二滅三道初句滅業道次句滅苦道三句滅惑

道三淨三聚初句饒益戒來徃不息故二句威儀戒動靜皆寂故三句善法戒廣含衆德故四顯三佛性初句緣因萬行無際故二句正因一源清淨故三句了因智含萬德故五成三寶初句僧寶衆多和合故二句法寶理法鳥最故三句佛寶佛舍衆妙故六會三身初化次法後報可知七具三德初句恩德化生無窮故次句斷德證真無惑故三句智德智爲能含故八三菩提初句方便菩提一切菩提樹下示成正覺故二句實相菩提三句

實智菩提九證三涅槃初句方便淨涅槃隱
跡雙林根盡應移故二句性淨涅槃三句圓
淨涅槃萬德俱圓故十安住三種秘密藏初
句解脫藏徃復自在故二句法身藏三句般
若藏可知大疏又云十內舉一爲首展轉相
由成百三門乃至無盡隨一一義具攝德用
即入無碍等故知五句攝義無邊歷劫宣演
亦莫能盡故經云欲具演說一句法阿僧祇
劫無能盡斯之謂也問此十門三義准會解
記云是終頓宗義不可配圓宗標舉宗體今

何故又配而釋之耶答若據各門本義實唯
同教一乘之宗不可配法界之宗體也今各
以第四句而融拂之融則三一無碍拂則三
一雙寂二義同時豈非法界宗體故大疏云
隨一一義具攝德用即人無碍等○鈔順經第二

四分等准大疏科經有其十例一本部三分
科二問答相囑科三以文從義科四前後攝
疊科五前後鉤鎖科六隨品長分科七隨其
本會科八本末大位科九本末偏收科十主
伴無盡科雖具十例以無盡然正釋文時唯

用前二例科故今科疏亦以此二例也其問答相屬科即四分故謂准經大位問答總有四番第一會中大眾起四十問或當會答盡名舉累勸樂生信分二從第二會有四十問至第七會末答盡名修因契果生解分第八

會初起二百問當會答盡名託法進修成行分四第九會初起六一問如來自入師子頻呻三昧現相答盡名依人證入成德分問依賢首說善財求法別問別答名漸證分立其五分今何不開答清涼意以頓漸雖殊證法


界是同故總立一分也問何故有此四分答入法方便信解行證理應爾故今疏順此故科爲四〇鈔若順序工等者三分之始自道安法師如前已叙經三分者以初品爲序分三世間莊嚴是起法之由緒故現相品已下

卷二
爲正宗分法界品內善財已下爲流通分今疏三分可知〇鈔今初總序名意者名即一部疏文意即綱領大義言亦名教迹者如尋象迹必獲象身尋此疏序得疏本意故或可名意教之三言皆通大經以雖是疏序而疏

正釋經故謂經序雅序經疏序該序經疏鈔序通序經疏鈔故通亦無妨○鈔順無盡者廻向鈔云十是一周圓數順無盡故○鈔言意多含者前於疏中已解四義今於鈔外又申六解足其十意以彰無盡一順一多無礙義故初句一不碍多二句多不碍一三句一年多雙融四句一多雙泯五句結屬法界三順法界緣起義故初句諸緣各異次句互徧相資以一切法同一源故五相資也次句俱存無碍不壞故相資衆妙不壞各異故有餘也四

句廢識從智末句結屬三順經宗十一字初句即因果二字次句即理實二字次句即法界緣起四字次句即不思議三字末句結屬四順題中所證法故初句廣字次句大字三句方字四句歸拂末句結屬問此與鈔配三大何別合鈔泛就三大說不約經題故異也五順因門果海故謂前三句是普賢因門緣起法界第四句是遮那果海離言即同因果法界末句結歸六順先解後行故前三句約解故如前五門所釋以爲解境第四句約

行說故言恩斯絕也末句結屬可知○鈔初
句明用者問配釋三大何不次耶荅舍餘法
界故顯圓融相故彰無碍理故隨作者意故
表攝末歸本先用次體後表依本流末中體
後相故又以義就文故此本標舉宗體顯法
鉅二



○鈔無際有二下此摠詭事理之種無際下
三鮮中隨義別分乃成異義問苦即事同真
豈不濫於體大耶答此有二師所說不同

助正師云唯取能同事相絕於邊際名爲無
際亦約事用意云前無際約成事之龍此無際約體空單用非取所

經二

五

同之理故不濫體二寂二師說此但當不靜
義非即真體一源方是體大今又助解此別
教三大許相即故若用中無體體中無用與
終頓何異故體大中亦有廣多無際之用也
問豈不相濫答爲門不同亦無雜亂○鈔何

法徃復下徵列也問何故唯徵徃復而畧無
際耶答徃復是法體無際義用今但徵體義
用自來或但要言詞穩便故○鈔今初迷法
界下具釋徃復三對六義以前二對諸教少
說又去動屬迷來靜屬悟其二無差故先合
明起滅一對諸教多談而又起滅俱通迷悟
真妄其義有差故後別顯言迷者能迷法界
所迷能迷之體有其二說一云根本無明三
細六簾十重惑也一云所迷死無盡法界能
迷亦帝網之惑六趣者毘曇論六趣者名到

亦名爲道謂彼善惡業因道能運到其生趣處故名爲趣又趣者歸向之義謂所造業能歸向於彼天乃至地獄也言悟法界等者悟爲能悟法界所悟能悟之體亦有二說一云翻十重深滅異住生四位始覺爲能悟體一云

所悟既無盡法界能悟亦是無障礙智不同起信之分齊也言復一心者即衆生之自心前法界之異名也就寂名法界就照名一心又一心有軌持名法一心有性分名界其體無異也○鈔皆法界用也者畧結二對也謂

如同教中准起信等說唯以出生世間出世間善因果爲用大則棟其惡染不拔本此別教一切染淨迷悟乃至六趣旋還披毛戴角皆法界用也故知同別之義亦天隔矣問此用大中有三義而第一義中亦有三對六義

及二無際等今唯明初二對之義文義未盡何故便有此結文耶答有二一云此中間結該初後故二云此上迷悟義已畧畢後不出此故畧結也○鈔迷則下此妄法起滅雖唯妄有生滅而妄滅由悟故屬雙約迷悟也然

真下約真說起滅也然字不盡之辭意言妄法無體可言生滅真則不爾有二義故故云然也問初隨緣中既有妄生滅言何故科中唯判屬真答雖有妄言對顯真故標中亦唯云真有二義故問既約真說生滅何屬雙迷

悟答真生即悟真滅即迷亦雙之義也言隨緣者能隨即真所隨即染淨二緣也此有二義若同教義無性真如隨無明緣成十重染法即真滅妄生悟即久此若別教無障礙理隨緣成無盡染法即性起之義故所起染如

帝網重重此染緣起若淨緣起無障礙理起無障礙智滅帝網惑等此則真妄雖有生滅皆以不生生爲生不滅滅爲滅皆法界用也問三對六義何唯起滅中明真隨緣餘二對不說耶答起滅既爾餘二亦然謂隨染緣起

鉢二

七

而真往六趣亦去動也隨淨緣起而真復一心亦來靜也但二對別說起滅通說爲異耳○鈔二約不變下具足應云迷悟動靜生滅來往紛然真界湛若虛空體無生滅去來動靜謂此不變義非唯約生滅中說亦該前二對

之中皆不變也。○鈔此義在下體中者問此
明用大何故顯體義耶答有二一云真如有
隨緣不變二義今相對以立因便明之二云
理實隨緣不變二義俱是用大即二無際故
所依無障礙體方是體大若爾如何指在體

中答真如二義一隨緣義是違自順他與體
疎故不屬體二不變義是違他順自與體近
攝屬體也如唯識中識以了別為行相如不
亦復用彼顯自性云識以了別為自性更
用大問妄亦有體空成事二義何故不明
以用屬大

答理合具明今以真不變即妄體空真隨緣
即妄成事故影畧耳。○鈔言無際下畧明無
際理實此中具八無際迷悟橫豎各二種故
今此唯二影取餘六謂迷中一義唯約豎論
廣多無際影取豎中絕際及二橫也若具作

者應云鈔中有一迷來無始即無初際二迷
無迷源豎無際既無有始豈得有終絕初後
際上二豎論若約橫說一迷心障翳廣無邊
際二橫尋迷心不在內外故亦絕際上四皆
迷若悟四者鈔中一云悟絕始終即無後際

此唯堅論絕際影取餘三若具作者應云二
堅論去來洞徹三際廣無初後上二約堅若
約橫者一橫說悟心通廓浩無邊際二橫尋
悟心不在內外故亦絕際問何故鈔家行文
如此影響答欲使學者虛已而求發生觀智

鉅二

八

故徃復三對與二無際前後具闕下皆類此
其與夫尋文數字之流不可同日而語也○
鈔二唯約妄說等者問此中何以但釋無際
不解徃復答六趣徃復即唯約妄也易故不
言承上相傳於此皆說七十二徃復謂六趣

相望舉一望六皆有徃復則每一趣中亦十
二徃復六趣總論具七十二種矣如人徃人
趣復人趣徃天趣復天趣等餘趣亦然又若
約妄心則緣彼境時爲徃緣此境時爲復妄
念攀緣徃復何限故下鈔云動即徃復有去
來故問徃復二字各有三訓何故雙約迷悟
中具解釋之唯約妄中全不說耶答應准知
故若具說者去來約處起滅約時上皆動亂
靜即體虛而隨緣真如亦隨妄起滅去來動
靜約不變則迷倒動靜起滅來徃紛然真界

湛若虛空體無生滅去來動靜此義在下體
中○鈔過去無始未來無終者問如起信云
以從無始已來念念相續未曾離念故說無
始無明今言無始則可然妄有斷盡之時生
死有終又言無終何耶答畧有三義一約一
鉢二

九

人則可終通一切則無終二若言有終以彼
定執長邪見故三此約妄爲問故無終○鈔
中論云下即彼本際品文十藏品疏鈔釋云
初偈引教立理顯無始終次偈二句仍上遣
中以無始終可對待故二句遣先後共畧有

三義謂有問言生死二法爲先生後死後生
爲生死一時一時名共今且惄非下偈出所
以云若使先有生後有老死者不老死有生
不有老死若先有老死而後有生者是則
爲無因不生有老死釋曰前偈破先生後死
生必因死今先有生則不因老死而有故云
不老死有生則亦今生無有老死先獨生故
後偈破先死後生生者是死因今死在前爲
無因矣次破一時偈云生及於老死不得一
時共生時即有死是二俱無因釋日以生不

因死死不因生故後結法空云若使初後共
是皆不然者何故而戲論謂有生老死既言
本際不可得亦不應定謂無始無終況有始
終之見邪故證前妄无妄源豎無初際等也
○鈔是以遠公云者進成公傳云遠聞羅什

入關中即遣書通好云什答書中有偈一章
問其所解法云既已捨染樂心得苦攝否此句
若得不馳散深入實相否二句畢竟空相中其
心無所樂若悅禪知慧是法性無照虛詎
等實無無非停心處六句仁者所住法幸願示

其要是以遠公復以書遣什并報此偈也然
迷途非一致下更有四句云時無悟宗匠誰
將握玄契來問尚悠悠相與朝暮歲今引
此者有二意一寂照意云通證上四種無際
初二句證妄無妄源約堅論絕際次二句證
鉅二

橫說中妄念攀緣浩無邊際次二句橫尋妄
心不在內外等後二句證堅論過去無始未
來無終等以致字有本爲世字故二玄鏡及
助證等唯證妄心不在內外一義也謂雖有
上下諸句唯以觸理自生滯一句爲引證之

本文也餘句皆是兼來無勞異說後義爲正然上四種無際猶是惄相據實迷中往復皆各具四以爲八種也○鈔初義是惄下謂三義對說約橫豎以分異也泛言橫豎而有二義一約時處論橫豎如常可知二就法論橫豎謂約彼此論也橫則彼此不相望豎則彼此相望也今鈔中三義就法論橫豎也橫論則三義不相望各各具往復以鈔中三番消釋往復無際一句也若各不具則釋文不備故若約豎論彼此相望則惄別有異故初義

爲總二三別也○鈔復本源者影取往流轉故斯即靜義者影取妄中斯即動義此唯豎論故六義中真妄各一生滅二義皆通真妄故此不論○鈔故周易復卦云下雙引二卦證其復字初復卦者彼疏云天地養萬物以

靜爲心不爲而物自爲不生而物自生寂然不動此天地之心也今引已證靜義泰卦經云天體在上此卦陽爻居下地體在下此卦陰爻居上即天地氣相交而生萬物天體將上地體將下故云無往不復今證無但迷往

而不悟復也然天地上下陰陽往復具十二卦今當畧示正月爲地天泰䷊二月爲雷天大壯䷡三月爲澤天
四月爲純乾夬䷪五月爲天風遘䷷六月爲天山遁䷌七月爲天地否䷋八月爲風地觀䷓九月爲山地剝䷖十月爲純坤䷁

十一月爲地雷復䷗謂陽已往而初復一爻故云然往必復一十二月爲地澤臨䷒其陰陽往復終而復始蓋如此也故以爲證○鈔此一義下約橫論影取前唯約妄中亦徃復也○鈔故文殊下問前唯約妄中不引經證徃復義今返本中何

引證答前妄中徃復易知故不證今返本中意在勤修故廣引證言文殊初說雙行之行者彼經云菩薩雖不捨生死而不爲生死諸過惡所染等釋曰此約生死涅槃也彼又有六對雙行之行二有爲無爲三大小乘四空有五相無相六願無願七生滅無生滅故名說雙修之行次云下標徵釋結可知菩薩徃復之道義通諸位有以局配則非也言修空無相無願者唯第七下鈔云三解脫門亦名三昧三昧即當體受名解脫即依他受稱此

三能通涅槃解脫故名爲門但是一法以行
因緣說有三種觀諸法空名空門空中不取
相轉名無相於無相中無所願求轉名無願
等如智論說應度者有三種故一見多者爲
說空門二愛多者爲說無作門三愛見等者
說空門二愛多者爲說無作門三愛見等者

經三

十二

爲說無相門也言三種覺觀心者有二解一
云是三解脫所對治故言覺觀者疏主云覺
觀舊名新譯爲尋伺唯識云尋謂尋求令心
忽遷於意言境麌轉爲性伺謂伺察令心忽
遷於意言境細轉爲性皆以思慧爲體即覺

麌觀細也今三皆空無故斷覺觀也一云准瑜伽第十一云以不淨治欲以慈治恚以悲治
害如是對治三種惡覺觀故即能治非三解
脫也○鈔皆上句自利者問初義云觀諸衆
生心之所樂應是利他何言自利答有二一
雖觀於他成自觀行故二云以少從多故言
往涅槃故者涅槃豈有方所以已求諸義言
往耳生死無始在中對前往故名復○鈔雖
往復下問正明復義何故上說往復鈔中答
也影取妄中雖有往復總爲妄往流轉矣問

前散訓字義中徃復各有三訓今屬法中何以全不言耶答可以意得故若具說者應云去來約處起滅約時上皆動也靜即上皆相待寂故而隨緣真如亦隨悟心去來起滅動靜約不變則悟心動靜去來起滅紛然真界

鉢二

十三

湛若虛空體無動靜去來起滅此義在下體中○鈔此中無際下唯畧顯總二義影取橫豎若具作者一菩薩行海窮劫行豎論無際隨一一行遍塵方修橫說無際上二廣多無際二二稱真即前二無際皆稱真故名絕際

無際自利利他又各四種亦具八也○鈔對上三義等者問釋體要對用三義釋相大何不對耶答體用相翻義可爾故疏之文勢理亦通故相大不然○鈔所迷真性下影取所悟真性言一源莫二者離世間品疏云隨客塵去而莫歸見本徃則還源返本有還有去皆是起心還去兩亡寂然不起起則諸善失壞不起則出離蓋纏觸境寂知方冥真體○鈔動即徃復有去來故者此證影顯前用大唯妄中有徃復三對義故言靜即體虛下謂

徃必對後來必對去既相待立故知體虛無
自性也應知動即前隨緣義靜即前不變義
所依無障礙體方是一源也○鈔不釋動下即
肇公物不遷論注釋者捨離也此則成事與
體空一相不相捨離也則動靜名殊下方歸

體大○鈔自利靜也亡心遺照定慧兼修故
利他動也者涉有化生拖泥帶水故又前十
對之中以自利爲徃利他爲復而前總配中
以徃配動以後配靜今不爾者約對徃涅槃
爲靜復生死爲動故也又前約用大生死無

始在中故涅槃云徃生死云復今約體大衆
生本具故涅槃云徃生死云徃化而無化者
影修而無修不失一源下歸體也問何故對
上用大三義釋於體耶答此中意欲攝用歸
體謂初攝迷悟動靜之用次攝唯迷動靜之

鉢二

古

用後攝唯悟動靜之用同歸一源體也○鈔
若對上二種無際下總就事法明廣多無際
具十二種別約一一事皆有分齊謂前雙約
悟各具橫豎二種爲四種成四唯約妄中徃
橫豎各具橫豎二種爲四種成四唯約妄中徃
總烏一二種也
而各即事同真際即無際

亦有十二種三義橫豎亦然又前散訓畧釋中總明二種即依總開別今此二種即攝別歸總總別合論有五十二無際也○鈔動靜無碍下明混無碍障方顯一源之體意融二無際義爲一源故言際與無際者謂前事理二種各

各有際及與二種無際亦相待而立既無定異方顯一源之體也○鈔清淨法界杳杳冥冥者即性淨無障礙理以爲能含之體如金含器故恒沙二字釋衆字性德下釋妙字上雖舉能含之體意在所含之相又或帶因以

明也相依乎性下釋有餘二字問如言常德其體皆常何所不遍而言有餘答性德無外無德非體今別舉其德顯體有餘問真體爲是常德否若不是常德何稱無外既非無外望相德何名有餘答相離體無故無德而非

經二

五

體故稱無外相雖恒沙各具隨名數異故體有餘若爾體若是一何非有名之數如其多法爲難亦爾答真理寂寥不墮諸數設說爲一爲欲破數強曰一源如法句經一亦不爲一爲欲破諸數等○鈔恢恢焉下借莊子養

生篇文具云庖丁爲文慧君

梁惠王也

解牛彼節

者有間而刀刃者無厚以無厚入有間恢恢焉其於遊刃必有餘地是以十九年而刃若新發於硎○鈔阿僧祇品等者上能所含猶帶因以明此正約宗以證故釋所以中還帶

因論故云毛約稱性等兼前總涉三義初由理事無碍故得事事無碍此復約法性融通以釋所以即別教因也然此等三句含於同別故作此釋也問准前段則體大甚深朴大則有名之數有名之數不遍無外之體何名

衆妙稱大耶答常樂等即是大義而不妨名相各異顯體有餘雖稱體無涯而名相分齊各異故云衆妙○鈔然此畧有二義下文外別明相之同別體用准知謂無障礙理爲別教體大無性真如爲同教體大全法界真妄

爲別教用大世出世善爲同教用大言本自具足者揀非業用故○鈔亦老子意者前則眾妙二字意目佛教相大恒沙功德不爲佛教意亦老子前則義意此則文意又前引內教證此引外教證故云亦也或可有餘是道

教文意象妙亦道教之文故云亦也道可道
下因具引章釋曰下具釋彼意言以一真法
界爲玄妙者問准下別嘆能詮中說於一真
法界義分心境境中大方廣即是三大何故
今以一真法界而爲體耶答以全總法界作

鉢二

十六

體大故謂彼以義門階降此據法體不分故
不相違也依此總門或可全作相作用等思
之○鈔融則三一互收者問三中舉一攝二
應去一二互收今何爾耶答別得總名故亦
猶七處中菩提場遍餘六處下鈔云普光物

利等七處皆有菩提場亦是餘六別得總名
故彼既得爾此亦應然故綱要云體相用三
非異猶一寶珠寶珠之體圓滿之相鑑照之
用三無離理舉一全收○鈔云何超下具微
釋一句義也而但云超者從文便當畧而言
也○鈔並皆超之故云迥出者顯超迥二字
唯一重釋也鈔何者下釋融拂相也融存拂
泯既莫能羈豈言象之能到其法故云迥出
即以迥出二字釋其超字然所以超者有三
義故一於人超權教菩薩及凡小故二於心

非三慧及報生智之境故三顯法體佛菩薩亦不思議故○鈔又借斯下顯超及迦作二重釋謂前超唯超言思今又迦出上超言思也故經云下上句證超言思下句證迦出言況言相本絕下進顯一義謂前遣猶帶詮

鉢二

七

明況言相本寂何待遣之故云亡絕亦亡斯則下約相待門遣拂前但直遣故不重繫但可清耳虛襟自冥契矣○鈔具上諸德獨在法界者間上迷法界而往六趣等豈法界德耶答約具德門無法非德今既融拂無碍全

稱法界何非德耶雖悟法界而情謂不忘何名德耶○鈔初句從本起末者此有二說一云依無際理體爲本起往復之事爲末一云此句疏中但有其末非謂無際是理問既無其理何言依本起末耶答豈不前云言意多含

也言不動真際建立諸法及不懷假名而說實相比四句即大品及智論等文也各一句本一句末思之可見然此本末不同前三大釋但以理事爲本末也第三句能含爲本所含爲末第四句融拂理事或生佛性相生

死涅槃等唯上釋之○鈔末後結屬通四義
焉者若通具上四即同教意若取法界普融
四句隨舉一句即攝四句者亦別教意文意
雙含故○鈔法界願別中言第三無障礙法
界者即事理無碍法界言屬上三法界者以

上三法界融拂自在歸總無障礙法界也上
屬四法界五法界准此可知○鈔往復與動
下綱要云有爲即事法界無爲即理法界依
理成事事能顯理即亦有爲亦無爲法界真
理奪事事能隱理名非有爲非無爲法界此

二由上事理無碍法界而生言含衆妙而有
餘即無障礙法界者即事事無碍法界亦由
事事無碍故總融上四爲斯一界混然不亂
重重無盡此猶歸別門名事事無碍法界不
同下所歸無障礙法界無得相濫今約圓融

鉢二

六

門故非普攝門也然法界二字義含多類故
上四句配釋種類不同故疏主下云然法含
持軌界有多義梁論十五云欲顯法身含法
界五義故轉名法界一性義以二無我爲性
一切衆生不過此性故二因義一切聖人四

念處法緣此生故三藏義一切虛妄法所隱

覆故非凡夫一乘所能緣故四真寶義過世間法

以世間法或自然壞或對治壞離此二壞故五甚

深義若與此相應自性成淨善故若外不相應自性成故上五理法界復有持義族義及分齊義然持曲有

三一持自體相二持諸法差別三持自種類
不相雜亂與法義同族者種族即十八界上
二並通事理分齊者緣起事法不相雜故於
中性通依主持業因唯依主後六唯業疏文
今事法界并有爲法界皆分齊義并持諸法

差別與持自種義及無爲法界皆性等五義

及持自體義種族中意識所知名爲法界攝

十六法謂受想行蘊及五種色

色遍計所起色謂極色受所定自在所生色

并八無爲謂六無爲中開真如鳥三性也雜集

第二吉無爲法有八種謂善法真如不二法

真如無記法真如虛空擇滅非擇滅不動及

滅想今取所知八無爲爲無爲法界義唯取

真如無爲爲理法界義其理事無碍法界并

兩亦雙非法界皆通上義而無碍也其無障

碍法界以性義融餘義故皆無障礙由資界

具如是義故所以種類不同也其配五法界

下疏具云隨義別顯畧有五門一有爲法界
有二一本識能持諸法種子名爲法界如論
云無始時來界等此約因義而其界體不約
法身二三世之法差別邊際名爲法界不思
義品云一切諸佛知過去一切法界悉無有

餘等此即分齊之義二無爲法界亦二一性
淨門在凡位中性恒淨故真空一味無差別
故二離垢門謂對治方顯淨故隨行淺深分
十種故三亦有爲亦無爲法界有二一隨相
門謂受想行蘊及五種色并八無爲此十六

法唯意所知十八界中名爲法界二無碍門
謂一心法具含二門一心真如門二心生滅
門雖有二門皆各總攝一切諸法然其二位
恒不雜亂其猶攝水之波非靜攝波之水非
動故第四回向云於有爲界示無爲法而不
滅壞有爲之相於無爲界示有爲法而不分
別無爲之性此明事理無碍今鈔唯無碍門四非有
爲非無爲有二刑奪門謂緣無不理之緣故
非有爲理無不緣之理故非無爲法體平等
刑奪雙浪今鈔唯此門二無寄門謂此法界離相

離性故非此二又非二諸故又非二名言所

能至故是故俱非

形奪門要二相假無寄門則當法自離故不同也

五無障礙法界二一普攝門謂於上四門隨一即攝餘一切故是故善財或覩山海或見

第二

二十

堂宇皆入法界二圓融門謂以理融事故令意者前三番別消疏文此一番總出初立法界之意言先叙如來爲物應生者如梵天請問疏云如來大悲隨機攝誘兼齊十惡非直五乘所以化創橋陳道終湏駁是也言先小後大者彼號又云或談權道之三乘乃分羊鹿之殊駕或論究竟之一實復合白牛之同體是也言或無像現像者如上生疏序云原

事無分齊微塵非小能容十刹刹海非大潛入一座也以事顯理故令理非無分謂一多無礙或云一法界或云諸法界然由一非一故即諸諸非諸故即一乃至無盡上五門十義恐學者要知故筆於此也○第四總彰立

夫性質杳冥超睇象而含攝覽體玄妙絕視聽而融貫方智雲於穀月察神理而猶迷假慧刀於叢筠揆靈機而不惻乃至然後俯提

十地踐海月於寶方下控三乘挺山儀於垢惑等是也言無言示言者如唯識疏序云無言之言風警韜遂彩而月懸等是也

中引上並休集六記

○鈔答云以是此經之所宗故者此經

正宗法界故言入是諸經通體故者如攝論

云多聞熏習從最清淨法界所流等釋論云
所流者證說證法謂十二部經疏主下云佛
證體智證最清淨法界而於後得安立教法
名為所流故知十二部經皆從法界流出故
是諸經通體也又是諸法之通依故是即依

理成事故所以根本法界與一切事法為通
依也言一切衆生迷悟本故者以真如法界
為迷悟依故一切諸佛所證窮故者以未證
無礙法界未證窮故諸菩薩行自此生故者
不悟法界行非真流但名假名菩薩爾初成
頓說等者不離菩提樹頓彰七處九會等既
非權漸之教故先叙法界也故云不同餘經
有漸次故言最後一意正答初問者以上問
何不先叙為物應生先小後大等故今正答
由頓說故非叙漸次也而前諸意共成後意

者恐有問云初成頗說故不同餘經此則聞命矣何不別叙餘法而便叙法界耶答云以此法界此經宗故所以頻說又法界是諸經通體故所以頻說乃至諸菩薩行自此生故所以頻說問若爾何不先答後意耶答欲以

前六意成於第七意故正意答之於後也

華嚴懸談會玄記卷第二

永樂北藏

華嚴懸談會玄記

第一八三冊